
ХИТОЙНИНГ CHINA TIANYING КОМПАНИЯСИ ФАРҒОНАДА 600 МЛН. ДОЛЛАР ИНВЕСТИЦИЯ ҲИСОБИГА ВОДИЙ ВИЛОЯТЛАРИГА ХИЗМАТ КЎРСАТУВЧИ ЙИРИК ЧИҚИНДИНИ ҚАЙТА ИШЛАШ МАЖМУАСИ ЛОЙИҲАСИНИ АМАЛГА ОШИРИШНИ РЕЖАЛАШТИРМОҚДА

Вилоят ҳоқими Хайрулло Бозоров Хитойнинг China Tianying компанияси директори Ван Кун бошчилигидаги компания вакиллари ва маҳаллий ҳамкорларини қабул қилди. Президент маслаҳатчисининг ўринбосари Жобир Азимов ҳам иштирок этган учрашувда Фарғонада водий вилоятларига хизмат кўрсатувчи йирик чиқиндини қайта ишлаш мажмуаси барпо этиш лойиҳаси муҳокама қилинди.

China Tianying томонидан ишлаб чиқарилган экологик тоза технологияларни татбиқ этган ҳолда барпо этиш кўзда тутилган мажмуанинг лойиҳа қиймати дастлабки ҳисоб-китобларга кўра, 600 млн. доллар атрофида бўлиши белгиланган. Фарғона вилоятида кунлик йиғиладиган 3 минг тоннадан зиёд чиқиндини, шунингдек, қўшни вилоятларнинг ҳам чиқиндиларини қайта ишлаш ҳисобига электр энергияси, ўғит ҳамда қурилиш блоклари ишлаб чиқарилади.

Ушбу лойиҳани амалга ошириш учун тегишли вазирликлар мутасаддилари иштирокида ишчи гуруҳ ташкил этишга ҳамда лойиҳанинг техник-иқтисодий асосларини ишлаб чиқишга, мавжуд чиқиндиларнинг морфологик таркиби таҳлилинини амалга оширишга келишиб олинди, ушбу жараёндан сўнг ишлаб чиқариладиган энергияни сотиб олиш нархи бўйича музокаралар ўтказилиши белгиланди. Яқин кунларда Фарғона вилояти ҳоқимлиги ҳамда China Tianying компанияси ўртасида ушбу лойиҳани амалга ошириш бўйича ҳамкорлик келишуви имзоланади.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2024-06-26 15:19:46